



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. II. Statuitur secunda conclusio, & legis veteris utilitas declaratur

[urn:nbn:de:hbz:466:1-77355](#)

DISPUTATIO VNDECIMA

570

lis suis: *Audistis quia dictum est: Diliges proximum tuum. & odio habebis inimicum tuum: Ego autem dico vobis, diligite inimicos vestros.* Item Deuteron. 21. permittritur uxorum pluralitas, his verbis: *Si haberet homo plures uxores, &c. & cap. 23. permittritur usura circa alienigenas, & libellus repudij cap. 24. Quæ omnia repugnant legi naturali & rectâ rationi, idèque fuerunt per Christum sublata.*

34. Respondeo, concessa Majori, negando Minorum, & ad primam illius probationem dico, falsi supponit odium inimicorum, præcipi Levitici 19. Ibi enim sic dicitur: *Nos queres ultrem, nec memor eris injuria Civium tuorum.* Ad id verò quod dicitur Matth. 5. varijs varia respondent. Quidam enim affirmant, lictum fuisse apud Judæos odio prosequi inimicos legales, ut Herethæos, Amorrahæos, Philistinos, & reliquos, cum quibus nunquam ex lege pacisci poterant, non tamen privatos & particulares. Alii docent, hæc verba fuisse permittiua: quatenus Judæis aliqua, quæ cum lege naturæ pugnabant, ad duriam cordis permittebantur. Alii probabilitus dicunt, hæc verba Matth. 5. *Audistis quia dictum est antiquis, &c. tantum arguere interpretationem quorundam Rabinorum deducunt ex ijs Scripturæ locis in quibus habetur, Diliges amicum tuum, ex quo per falsam illationem à contrarijs inferebant: Ergo odio habendus est inimicus.* In hac autem illatione faliebantur, tum quia vox Hebraica, לְרֵאָחָה, quæ habetur Levit. 19. vers. 18. significat sodalem, familiarem, socium; unde notat Mercerius in Thesauro Pagnini, quod in novo Testamento vertitur ἄδειος, proximus, qui alteri scilicet animo conjunctus est. Igitur non præcisè amicum significat, sed quemcumque proximum; quilibet autem homo, sive amicus, sive inimicus, propter naturam communitatem, est noster proximus. Tum etiam, quia cum odium inimici sit intrinsecè malum, pugnetque cum illo legis natura principio: *Quod tibi fieri non vis, alteri ne feceris, & lex naturalis per legem à Moysi scriptam non esset abrogata, eorum Rabinorum illatio & interpretationi non poterat non esse falsa, & à vero scriptura sensu penitus aliena.*

Ad secundam probationem dicendum, Deum in veteri lege dispensasse cum Judæis, ut plures haberent uxores, & ut per libellum repudij possent uxores dimittere, & alias ducere. De quo fusè in Tractatu de matrimonio disp. 1. & 5.

Ad tertiam respondent aliqui, Deum tanquam supremum Dominum omnium bonorum dedit Israëlitis jus accipendi aliquid supra sortem ab alienigenis, subindeque Judæos faciendo nullam commissiæ in iustitiâ. Sed melius responderetur cum D. Thoma 2. 2. quæst. 78. art. 1. ad 2. usuram erga alienigenas non fuisse approbatam, aut permisam in veteri lege, sed tantum impunè toleraram pro foro externo & non interno; quemadmodum in Republica minora mala, ad vitanda majora, interdum impunè à Principibus & Magistratibus tolerantur.

15. Obiectur sexto: *Lex vetus bonorum temporaliū abundantiam Judæis promittet, ut cōstat ex illo Deuteron. 28. Simandata mea observaveris, benedictus eris in agro, in civitate egrediens & ingrediens:* Sed rerum temporalium abundantia, periculosa & nociva est ut plurimum; *qui enim primi sunt in divitiis, saepe in vitiis, ut inquit Salviyanus de providentia. Cui consonat illud Poëta,*

Effodiuntur opes irritamenta malorum. Unde ab ea abhorruit Salomon, cùm petuit à Domino, *Divitias neque pauperiatem dederis mihi:* Ergo lex vetus mala & nociva obseruatoribus suis promittebat & conferebat, subindeque bona non erat.

Respondeo, concessa Majori, negando Minorum; abundanta enim rerum temporalium, solum nociva est, quando in divitiis tanquam in ultimo fine conquiscamus; sed si iis cum moderatione utamur, & cor ab illis abstrahamus, eorum abundantia ad salutem utilis esse potest. Unde Augustinus de divitiis loquens, sic ait: *si fuerint supra nos, demergent nos; si fuerint infra nos, attollent nos.*

§. II.

Statuitur secunda conclusio, & legis veteris utilitas declaratur.

D Ic secundò, legem veterem non solum

fuisse bonam, sed etiam utilem.

Probatur conclusio exponendo varias legis hujus utilitates. Prima est, quod per eam cognoscant homines se esse peccatores, juxta illud Apostoli ad Romanos 3. *Per legem cognitio peccati, & cap. 7. Peccatum non cognovisti per legem:* Hæc autem cognitio non potuit non esse illis valde utilis & proficia; sicut enim via ad recuperandam sanitatem, est cognitio sue infinitatis; ita via ad gratiam justificantem, est cognitio sui peccati.

Hinc oritur secunda utilitas legis, cùm enim viderent Judæi se esse peccatores, & indigere Christo Redemptori, cœperunt eum summo desiderio expectare, ut patet ex illo Psalmi 145. *Domine inclina celos tuos & descendere. Isaïæ 64. Viam disrumpere cœlos, & descenderes.* Et iterum, *Rorate cœli desuper & nubes pluantes iustum.* Et Cantic. 1. *Osculetur me osculo oris sui.* In qua verba, in persona Israëlitatum, praeterea ait Doctor mellitus: *Non loquatur mihi Moses, siquidem imperitorius lingua factus est mihi: Ieremias ne ficit loquii, quia puer est; Isaïæ labia immunda sunt; omnes Prophetæ elingues sunt; ipse ipse, quem loquuntur, osculetur me osculo oris sui.* Hanc utilitatem brevissimè complexus est D. Augustinus lib. de spiritu & litera cap. 19. cùm ait: *Lex data est, ut gratia quereretur, gratia data est, ut lex impleretur.*

Tertia utilitas est, quod Judæi per legem Mosaicam, non tantum cognoscant se esse peccatores, & indigere gratiâ Christi, ut jam dictum est, sed etiam paulatim disponebantur & studiebantur ad altiorum Christi doctrinam suscipiendam, unde ad Galatas 3. *Lex Padagogus noster fuit in Christo.* Præsertim verò, quia talis lex proponebat illis umbras, figuræ, involucra, sub quibus Christus promittebatur. Proponebat, inquam, cruentum animalium sacrificia, ut inde astigerent ad investigandum cruentum sacrificium in cruce. Proponebat circumcisionem, figuram Baptismi; purifications, figuram pœnitentie; agnum Paschalem, figuram Eucharistie; æneum serpentem, figuram Christi in cruce pendentis, & sic de ceteris.

Quarta utilitas, Lex Mosaicæ meru acerbissimarum pœnarum Israëlitas in officio continebat, & à peccato deterrebat, siveque rigore suo valde proderat illis, præsertime cùm propter suam ruditiem & feritatem aliter in officio contineri non possent. Unde Hieronymus ad illud ad

16.

17.

DE LEGE DIVINA VETERI.

571

Galatas 3. Lex pædagogus noster fuit in Christo: A Pedagogus (inquit) parvula assignatur, ut lascivians refraneatur atas, & prona in via corda teneantur, dum tenera in studijs eruditur infans, & ad maiores disciplinas metu pena coercita preparatur. Itaque & lascivienti populo lex Moysis ad instar Pædagogi severioris apposita est, ut custodiret eos, & futura fidei prepararet.

§. III.

Statuitur tertia conclusio, & in quo sensu lex Mosaica imperfecta fuerit, breviter declaratur.

Dico tertio, licet lex Mosaica fuerit bona & utilis, tamen non fuit perfecta, sed imperfecta, non positivè sed negativè & comparativa, id est minus perfecta, quam lex Evangelica.

18. Prima pars constat primò, ex eo quòd lex Mosaica gratiam justificantem, in qua perfectio & efficacia ad æternam salutem consequendam constitit, non conferret: Joan. 1. *Lex per Moysen data est, gratia & veritas per Iesum Christum facta est.* Et Paulus sepiùs ait justitiam non esse ex lege, sed ex fide in Christum. Et ad Galat. 4. ejus Sacramenta vocat *infirma & egena elementa*, id est vacua gratiæ, quam tantum significabant. Et ad Hebreos 7. ait: *Nihil ad perfectum adduxit lex.*

Hanc rationem egregiè illustrat D. Thomas hic art. 1. ubi sic discurrevit: *Perfecta bonitas est in his que ad finem ordinantur, quando aliquid est tale, quod per se est sufficiens inducere ad finem; imperfectum autem bonum est, quod operatur aliquid ad hoc quod perveniat ad finem, non tamen sufficit ad hoc quod ad finem perducat: sicut medicina perfectè bona est, que hominem sanat; imperfecta autem est, que hominem adjuvat, sed tamen non sanare potest.* Est autem scindendum, quod est aliud finis legis humanae, & aliud legi divinae. Legis enim humanae finis, est temporalis tranquillitas civitatis, ad quem finem pervenit lex cobibendo exterioris actus, quantum ad illa mala que possunt perturbare pacificum statum civitatis; finis autem legis divinae est perducere hominem ad finem felicitatis aeternam, qui quidem finis impeditur per quodcumque peccatum, & non solum per actus exteriores, sed etiam per interiores; & ideo illud quod sufficit ad perfectionem legis humanae (ut scilicet peccata prohibeat, & panam apponat) non sufficit ad perfectionem legis divinae, sed oportet quod hominem totaliter faciat idoneum ad participationem felicitatis aeternae, quod quidem fieri non potest, nisi per gratiam Spiritus Sancti, per quam diffunditur Charitas in cordibus nostris, quæ legem adimpleret; *Gratia enim Dei, vita aeterna, ut dicitur Roman. 6.* Hanc autem gratiam lex vetus conferre non potuit, reservabatur enim hoc Christo, quia dicitur Joan. 1. *Lex per Moysen data est; gratia & veritas per Iesum Christum facta est;* & inde est quod lex vetus bona quidem est, sed imperfecta, secundum illud Hebr. 7. *Nihil ad perfectum adduxit lex.*

20. Secunda etiam pars conclusionis ab eodem S. Doctore suprà quæst. 91. art. 5. in corp. sic declaratur & probatur: *Attendimus perfectio & imperfectio legis, secundum tria quia ad legem pertinent. Primo enim ad legem pertinet, ut ordinetur ad bonum commune sicut ad finem. Quod quidem potest esse duplex, scilicet bonum sensibile & terrenum; & ad tale bonum ordinabatur directe lex Tom. III.*

B verus, unde statim Exodi 3. in principio legis invitatur populus ad Regnum terrenum Chananeorum. Et iterum bonum intelligibile & celeste, & ad hoc ordinat lex nova; unde statim Christus ad Regnum colorum in sua predicationis principio invitavit, dicens *Pœnitentiam agite, appropinquavit enim regnum colorum*, Matth. 4. Et ideo Augustinus dicit 4. contra Faustum, quod temporalium rerum promissiones in Testamento veteri continentur, & ideo vetus appellatur, sed eterna vita promissio ad novum pertinet Testamentum. Secundo ad legem pertinet dirigere humanos actus secundum ordinem justitiae, in quo etiam superabundat lex nova legi veteri, interiores actus anni ordinando, secundum illud Matth. 5. *Nisi abundantaverit iustitia vestra plusquam Scribarum & Phariseorum, non intrabis in regnum colorum,* & ideo dicitur, quod lex vetus cohibet manum, lex nova animum. Tertio ad legem pertinet inducere homines ad observantias mandatorum, & hoc quidem lex vetus faciebat timore panarum: *Lex autem nova facit hoc per amorem, qui in cordibus nostris infunditur per gratiam Christi, que in lege nova confertur, sed in lege veteri figurabatur;* & ideo dicit Augustinus contra Adamantium Manichæi Discipulum, quod brevis differencia legis & Evangelij, timor & amor.

Plura alia sunt in quibus lex nova veterem superat, & lex Mosaica Evangelica inferior est. In primis enim lex Mosaica fuit imperfectior Evangelica, ex parte cauſæ efficiētis, nam licet utraque Deum Authorem haberet, tamen lex vetus per Moysen, nova per Christum Deum & hominem data est; juxta illud Joan. 1. *Lex per Moysen data est, gratia & veritas per Jesum Christum facta est.*

Secundò fuit etiam imperfectior lex Mosaica, ex parte eorum quibus tradita fuit; nam lex nova lata est pro omnibus hominibus, & orbe universo, juxta illud Christi Matth. ultimo. *Euntes docete omnes gentes, &c.* At Mosaica soli populo Iudaeorum lata est, ut docet D. Thomas hic quæst. 98. art. 4. & patet ex eius proœmio Exodi 20. *Ego sum Dominus Deus tuus qui eduxi te de terra Ægypti, &c.*

Tertiò lex Mosaica fuit imperfectior ratione durationis, nam lata fuit ad tempus, usque ad Christi adventum, juxta illud Apostoli ad Galat. 3. *Lex propter transgressionem posita est, donec veniret semen:* Id est lex Moysen lata est, ut transgressiones & peccata cohiberet, donec Christus Abrahæ semen veniret. Lex autem Evangelica, in perpetuum, usque ad mundi consummationem, duratura est, juxta illud Christi Matth. 26. *Hic est Calix sanguinis mei, novi & eterni Testamenti.* Ubi novum Testamentum, eternum appellatur, quia nullo unquam tempore antiquabitur, nullumque Testamentum illi succedit, ut docet Anselmus ad cap. 13. Epistolæ ad Hebreos. Vel Testamentum aeternum dicitur, eo quod gratiæ charitatis, & gloriæ Testamentum sit, quæ tria sempiterna sunt. Unde Cajetanus ad Hebreos 8. *Testamentum (inquit) novum, manet in aeternum, aeterna enim est gratia, que hic inchoatur, & in patria consummatur, semper novos reddens eos in quibus est.*

Quartò, lex Mosaica fuit etiam imperfectior ratione materiæ, nam ultra præcepta moralia iuris naturalis, continebat alia plurima ceremonialia & judicialia, quæ difficultimum erat obseruare. Propter quod Petrus Act. 15. dicebat: *Quid Cccc ij*

21.

22.

23.

24.